

# ИНФО • INFO

Септембар/Oktobar/Studenі 2018. god.



# Почели радови на проширењу Булевара мира



Градоначелник Брчко дистрикта БиХ Синиша Милић и шеф Одјељења за јавне послове Сабрија Јашаревић обишли су градилиште гдје су почели радови на проширењу Булевара мира у Брчком.

Вриједност пројекта, с реконструкцијом улице Алексе Шантића, је око 1.500.000 КМ, а рок за завршетак радова је 150 дана. Проширењем ове саобраћајнице Брчко ће добити још 500 метара булевара са двије коловозне и шест саобраћајних трака са паркинг просторима дуж једне коловозне траке, нову фекалну и оборинску канализација на овом потезу те нову ЛЕД расвјету, прву ове врсте урађену у нашем граду, а која ће представљати параметар за евентуално постављање нове ЛЕД расвјете на подручју Брчко дистрикта БиХ.



## Počela nastava u osnovnim i srednjim školama na području Distrikta

Šef Odjeljenja za obrazovanje Vlade Brčko distrikta BiH Senad Osmanović zajedno sa šeficom Pododjeljenja za predškolsko i osnovno obrazovanje Marom Matkić prisustvovao je početku nove školske godine u Trećoj osnovnoj školi.

„Školsku godinu dočekali smo maksimalno spremno i u ovu školsku godinu upisano je ukupno 707 prvačića, što je 53 više nego protekle godine. Kada su u pitanju srednje škole mi ove godine imamo 41 odjeljenje. Učionice su spremne, prevoz je osiguran, a također će danas učenicima biti podijeljen i najveći broj udžbenika. Slobodno mogu reći da je ova godina zasigurno počela bolje nego protekla“, kazao je Osmanović.

# Gradonačelnik ugostio diplomatski zbor BiH i ministra vanjskih poslova Igora Crnatka

Gradonačelnik Brčko distrikta BiH Siniša Milić s dogradonačelnikom Antom Domićem i predsjednikom Skupštine Brčko distrikta BiH Esedom Kadrićem primio je u službeni posjet ministra vanjskih poslova BiH Igora Crnatka, koji je ove godine organizirao u Brčkom godišnji susret s tridesetak veleposlanika i članova diplomatskog zbora u BiH. Razgovarano je o aktualnoj političkoj situaciji i ekonomskom stanju na području Distrikta.

„Brčko distrikt BiH je mjesto na kojem ima mnogo perspektive za razvitak i ovo je sredina koja funkcionira, ispunjava svoje obveze, upravlja ovim teritorijem i vodi institucije na odgovarajući način, ali isto tako dobro bi im došla i jedna vrsta međunarodne potpore za krupne i velike projekte u narednom razdoblju“, naglasio je Crnatka.



## S gradonačelnikom mađarskog grada Šiofok razgovarano o rješavanju pitanja deponije

Gradonačelnik Brčko distrikta BiH Siniša Milić i šef Odjela za komunalne poslove Zoran Bulatović održali su sastanak s delegacijom mađarskog grada Šiofok, koja je boravila u Brčkom predvođena gradonačelnikom Lengyelom Robertom.

Tema razgovora gradonačelnika dva grada bila je zbrinjavanje čvrstog otpada i rješavanje pitanja deponije u Brčkom, što je jedan od glavnih ciljeva djelovanja aktuelne brčanske Vlade.



## Милић обишао радове на пројекту „Хитног опоравка од поплава“

Градоначелник Брчко дистрикта БиХ Синиша Милић заједно са шефом Одјељења за пољопривреду, шумарство и водопривреду Зораном Гајићем и сарадницима обишао је радове на пројекту „Хитног опоравка од поплава“ и потпројектима из области пољопривреду у мјестима Вучиловац и Крепишић.

Током посјете Милић је обишао радове гравитационог испуста на устави у Вучиловцу, каналске мреже хидромелирационог система „Обједа“ као и савски одбрамбени насип у Вучиловцу.

За ове радове обезбјеђено је 2,84 милиона марака кроз грант Европске уније и кредитна средства Свјетске банке

Приликом извођења радова прикупљено је око 2.000 кубних метара огрјевног дрвета укупне вриједности око 100.000 који ће на основу критеријума добити 332 корисника, односно 6 метара по породици.



## Vlada izdvojila sredstva po nekoliko osnova za braniteljsku populaciju, učenike i studente

Vlada Brčko distrikta BiH usvojila je Prijedlog odluke o utvrđivanju kriterija i Program utroška sredstava za dodjelu jednokratne novčane pomoći u stambenom zbrinjavanju obitelji poginulog branitelja, ratnog vojnog invalida i članova obitelji ratnog vojnog invalida u Brčko distriktu BiH. Za ove namjene izdvojeno je za ovu godinu 600.000 KM, odnosno po 100.000 KM za šest udruga braniteljskih kategorija iz tri konstitutivna naroda.

Odlukom su stvorene pretpostavke za dodjelu sredstava do 10.000 KM po korisniku s obzirom da se radi o sanaciji, a ostavljena je mogućnost i za početak nove gradnje i izdvojeni iznosi za ove namjene su do 25.000 KM po jednom podnosiocu.



## Petar Vrhovac preuzeo funkciju predstojnika Odjela za raseljena lica, izbjeglice i stambena pitanja

Petar Vrhovac zvanično je preuzeo funkciju predstojnika Odjela za raseljena lica, izbjeglice i stambena pitanja Vlade Brčko distrikta BiH. Prije Vrhovca ovu funkciju obnašala je Jelena Nikić Damjanović.

## Градоначелник отворио 12. Међународни сајам пчеларства и опреме Брчко

Градоначелник Брчко дистrikта БиХ Синиша Милић на Тргу младих у Брчком 13. септембра отворио је 12. Међународни сајам пчеларства и опреме на којем је учествовало око 60 излагача.

Сајам је одржан под покровитељством Владе Брчко дистrikта БиХ у организацији Удружења пчелара „Матица“, Удружења пчелара „Пчела“ Горњи Рахић и Удружења пчелара „Брчко“.



## Đokić – Milić: Vlada RS odobrila 1.250.000 KM za nove projekte u Brčkom



Pilikom posjete Brčko distriktu ministar industrije, energetike i rudarstva Republike Srpske Petar Đokić razgovarao je sa gradonačelnikom Brčkog Sinišom Milićem o projektima koje je Vlade RS odobrila za podršku infrastrukturnim potrebama na području ove lokalne zajednice.

Ministar Đokić rekao je da su odobreni projekti za izgradnju dječjeg vrtića na području Mjesne zajednice Grčica u vrijednosti od 400.000 KM te izgradnju i uređenje dva sportska terena s vještačkom travom u vrijednosti od 350.000 KM kao i za izgradnju spomen-sobe u Mjesnoj zajednici Grbavica u vrijednosti od 500.000 KM gdje su nakon duljeg razdoblja riješeni određeni problemi. Odobrena su i dodatna sredstva za uređenje ove spomen-sobe u vrijednosti od 50.000 KM.

Siniša Milić, gradonačelnik Brčko distrikta BiH, izrazio je zahvalnost za svu potporu koju Distriktu pruža Republika Srpska podsjetivši da je ranije Vlada Republike Srbije putem Vlade Republike Srpske izdvojila oko 1.000.000 KM za izgradnju vrtića u Mjesnoj zajednici Ilička kao i 500.000 za izgradnju eparhijskog doma Srpske pravoslavne Crkve u Brčkom.

## Одржана konstitutivna sjednica Privrednog vijeća Brčko distrikta BiH



U Gradskoj vijećnici u Brčkom konstituisano je Privredno vijeće Brčko distrikta BiH koje će imati cilj da kroz javno-privatni dijalog prepozna probleme privrede Brčko distrikta BiH, te predloži inicijative za njihovo prevazilaženje.

U Privrednom vijeću učestvuje 21 predstavnik od kojih 11 dolazi iz privatnog sektora što će značiti efikasniji način rješavanja problema u privredi.

Za predsjednika Privrednog vijeća imenovan je gradonačelnik Brčko distrikta BiH Siniša Milić, dok je za potpredsjednika izabran Ševal Suljkanović. Takođe, usvojen je i Poslovnik o radu Privrednog savjeta, te predložene inicijative za dalje djelovanje.

Privredni savjet Brčko distrikta BiH osnovala je Vlada Brčko distrikta BiH u saradnji sa Programom za lokalnu samoupravu i ekonomski razvoj EU, ProLocal.

## Градоначелници Брчког и Београда договорили сарадњу два града

Градоначелник Београда проф. др Зоран Радојичић и градоначелник Брчког дистрикта БиХ мр сц. Синиша Милић разговарали су у Београду о могућностима будуће сарадње. На сасланку, на којем су присуствовали и сарадници градоначелника, договорено је да техничке службе наредних дана дефинишу облике међусобне сарадње.

„Договорено је да ће Београд и Брчко потписати споразум о сарадњи између два града у областима привреде, образовања, комуналних услуга, културе, спорта, здравства и осталих услуга или ћемо, уколико се процијени да би то било сврсисходније, потписати појединачне споразуме о сарадњи у областима у којима за то постоји могућност. То ће дефинисати стручне службе које ће радити на припреми ових докумената“, изјавио је градоначелник Брчког Синиша Милић.



## Održana ceremonija potpisivanja dodjele dotacija projekta „Jačanje zaštite nacionalnih manjina u BiH“



U Gradskoj vijećnici u Brčkom je održana ceremonija potpisivanja dodjele dotacija projekta „Jačanje zaštite nacionalnih manjina u Bosni i Hercegovini“, financiranog od strane Europske unije (EU) i Vijeća Europe koji su potpisali voditelj Ureda Vijeća Evrope u Sarajevu Drahoslav Štefánek i dogradonačelnik Brčko distrikta BiH Anto Domić.

Dogradonačelnik Brčko distrikta BiH Anto Domić nakon ceremonije potpisivanja kazao je da Distrikt ima institucionalna rješenja za pozicije nacionalnih manjina, ali da i dalje treba raditi na tome.

„U Skupštini Brčko distrikta BiH biraju se dva zastupnika iz nacionalnih manjina kao i kod donošenja važnih odluka uvijek se vodi računa i o poziciji nacionalnih manjina. Vjerujem da će ovaj projekt pridonijeti da i nacionalne manjine kao ravnopravni stanovnici Distrikta ostvaruju ona prava koja su im dale sve konvencije Europe i svijeta“, kazao je Domić.

## Predstavnici Vlade i Skupštine obišli radove na obilaznici oko Brčkog

Gradonačelnik Brčko distrikta BiH Siniša Milić zajedno sa članovima Vlade, predsjednikom Skupštine Brčko distrikta BiH Esedom Kadrićem, poslanicima u Skupštini i predstavnicima JP „Putevi Brčko“, obišao je radove na obilaznici oko Brčkog.

„Uvjeren sam da će se obilaznica završiti u predviđenom roku i da ćemo dobiti jedan od najvažnijih kapitalnih projekata u distriktu koji će rasteretiti odvijanje saobraćaja kroz centar grada, ali i na učinkovitiji i bolji način povezati sve ove dionice kroz koje prolazi“, kazao je Milić.

Vlada Brčko distrikta BiH zajedno sa JP „Putevi Brčko“ realizuje projekat obilaznice oko Brčko distrikta BiH na dijelu od naselja Gređice do naselja Gorice u dužini od 18,68 km. Cilj projekta je izmještanje tranzitnog saobraćaja sa postojećeg magistralnog puta koji prolazi kroz centar grada.



## U Brčkom svečano otvorena manifestacija „Dani voća“

Gradonačelnik Brčko distrikta BiH Siniša Milić je na Trgu mladih u Brčkom zajedno sa Zoranom Gajićem, predstojnikom Odjela za poljoprivredu, šumarstvo i vodno gospodarstvo Brčko distrikta BiH, i predsjednikom Općine Osečina iz Srbije Draganom Aleksićem svečano otvorio gospodarsko-turističku manifestaciju „Dani voća“ na kojoj je sudjelovalo oko pedeset izlagača iz Srbije, Hrvatske i Bosne i Hercegovine.

Gradonačelnik je kazao da je manifestacija „Dani voća“, koja je organizirana od strane Obrazovnog centra za preradu voća „Voćni klub“ iz Brčkog, samo jedna u nizu manifestacija koje se ovih dana organiziraju u Distriktu i koje doprinose pozitivnom pomaku Brčko distrikta BiH, podsjetivši da u se Brčkom za poticaj u poljoprivredu izdvaja 10 milijuna maraka, a od toga oko milijun i pol za voćarstvo.



## Čelnici brčanske Vlade održali sastanak sa rukovodstvom JP „Komunalno Brčko“



Gradonačelnik Brčko distrikta BiH Siniša Milić i dogradonačelnik Anto Domić održali su sastanak sa ravnateljom JP „Komunalno Brčko“ Mirsadom Đapom, predsjednikom Upravnog odbora Antom Iličem, te rukovodiocima radnih jedinica ovog poduzeća i razgovarali o tekućem poslovanju, trenutnom stanju u ovom poduzeću kao i o mogućnostima podrške komunalnom poduzeću. Gradonačelnik Milić je kazao da se na sastanku razgovaralo i o obezbjeđivanju kvalitetnog snabdijevanja električnom energijom i da će se tim pitanjem zajednički baviti u narednom periodu.

## Penzionerima u Brčkom Milić predao na korišćenje šah na otvorenom



Gradonačelnik Brčko distrikta BiH Siniša Milić Udruženju penzionera Republike Srpske i Udruženju penzionera Federacije BiH u Gradskom parku u Brčkom nakon prvog odigranog poteza svečano na korišćenje predao je šah na otvorenom i uručio deset stonih šahova.

## У Брчком обиљежена Дјечија недјеља



Обиљежавајући Међународну недјељу дјетета, градоначелник Брчко дистрикта БиХ Синиша Милић заједно са дјецом обданишта „Наша дјеца“, пустио је балоне са жељама и порукама малишана.

Ову активност, као и радионицу о правима дјетета те подјелу диплома и слаткиша организовало је Удружење „Беба више“.

Градоначелник је у Градској вијећници организовао и пријем за дјецу из брчанских основних школа и вртића.

„Права дјетета су гарантована конвенцијом Уједињених народа, а дјеца и њихове потребе су циљ свих наших активности, када је у питању локална власт“, истакао је градоначелник Милић.

## Положен камен темељац за дјечији вртић на Илићки



Предсједник Републике Српске Милорад Додик, премијер Српске Жељка Цвијановић и градоначелник Брчко дистрикта БиХ Синиша Милић у брчанском насељу Илићка положили су камен темељац за изградњу вртића, за шта је Република Србија издвојила 500.000 еура.

Предсједник Српске Милорад Додик је подсетио да је Брчко дистрикт БиХ по Арбитражној одлуци заједничко власништво два ентитета – Републике Српске и Федерације БиХ.

„Ми исказујемо наш интерес у том дијелу и ту смо увијек да помогнемо нашим људима који су овдје и цијелом Дистрикту. Наставићемо да помажемо изградњом овог вртића и других садржаја за које се процијени да су потребни“, рекао је Додик и додао да је Српска у брчанско насеље Илићка уложила више од четири милиона КМ владиних средстава да би то насеље урбанизовало, у смислу изградње улица, расвјете, водовода, канализације.

## Gradonačelnik obišao radove u Grčici i Š naselju



Gradonačelnik Brčko distrikta BiH Siniša Milić sa suradnicima obišao je radove u Krfskoj ulici u naselju Grčica i ulici Branka Ćopića u naselju Š.

Nakon što se uvjerio da radovi teku planiranom dinamikom, gradonačelnik je u izjavi za medije istaknuo da je obnova Krfske ulice jedan od značajnijih projekata na području Mjesne zajednice Grčica te da je trenutno u toku prva faza obnove u duljini od oko 300 metara, za što je izdvojeno 115.000 KM, i dodao je da je za drugu fazu planirano dodatnih 45.000 KM.

On je naglasio da je u toku ugovaranje za obnovu dijela ulice Pavla Savića u ovom naselju, za što je izdvojeno 230.000 KM.

## MILIĆ ČESTITAO MEĐUNARODNI DAN UČITELJA

Poštovani učitelji, nastavnici, profesori,



Obrazovanje naše djece od iznimne je društvene važnosti za cjelokupnu lokalnu zajednicu. Odgovornost vaše profesije i posla koji obavljate nemjerljiva je jer ste nosilac i stub ne samo obrazovanja nego i odgoja učenika.

Živimo u vremenu u kojem su mnogi zaboravili da učitelji igraju veliku, ako ne najvažniju, ulogu u našem životu i ovo je prilika da se podsjetimo vaših stručnih, radnih, obrazovnih i etičkih kvaliteta.

Želim vam mnogo uspjeha u radu ali i poštovanja od strane djece i roditelja. Uz nadu da ćete unaprijediti znanje i vještine i razviti pozitivne ljudske osobine kod svojih učenika te ih izvesti na pravi put i zajedno s roditeljima oblikovati ih u uspješne osobe u svakome pogledu, čestitam vam vaš dan.

Sretan 5. oktobar – Međunarodni dan učitelja!

GRADONAČELNIK  
mr sc. Siniša Milić

## Održan 2. Biznis forum Brčko distrikta BiH

Na 2. Biznis forumu Brčko distrikta BiH koji je trajao tri dana, glavna tema je bila „Stanovništvo u funkciji gospodarskog razvitka“.

Na Forumu na kojem je sudjelovalo nekoliko stotina stručnjaka iz BiH, svih država regije, Austrije, Mađarske, Njemačke, Francuske, Turske, Norveške i Rusije razgovaralo se u okviru tri panela „Poslovno ozračje, investicije, inovacije, kooperacija i poduzetništvo“, „Stanovništvo, demografske megapromjene i razvoj društva“ i „Tržište rada, obrazovanje i utjecaj na gospodarski razvitak“.

Ravnatelj Biznis foruma Damir Bulčević rekao je da će se kroz sva tri panela pokušati predložiti Vladi Brčko distrikta BiH donošenje određene strategije razvitka gospodarstva kako bi se kreirala radna mjesta i učinio život kvalitetnijim svim građanima Brčko distrikta BiH dok je gradonačelnik Brčko distrikta BiH Siniša Milić ukazao na pojavu da iz Distrikta odlaze i ljudi koji rade na proračunu i koji imaju solidna primanja.

On je izrazio nadu da će se kroz donesene zaključke i određene propise zaustaviti taj negativan trend.



## Vlada utvrdila smjernice za Pravilnik o stambenom zbrinjavanju lica u stanju socijalne skrbi



Vlada Brčko distrikta BiH na zasjedanju održanom krajem oktobra usvojila je Smjernice za izradu pravilnika o uslovima i načinu rješavanja stambenih problema lica u stanju socijalne skrbi. Ciljevi pravilnika su da se uredi:

1. kategorija stanova koji mogu biti predmet raspodjele licima u stanju socijalne skrbi ustupanjem na privremeno korišćenje;
2. mjerila prilikom dodjele stanova na privremeno korišćenje u kontekstu kvadrature stana i broja članova domaćinstva;
3. način utvrđivanja statusa socijalne skrbi u kontekstu socijalno zaštitne funkcije, odnosno kruga korisnika socijalne zaštite;
4. opšta i posebna mjerila koja utiču na prioritet rješavanja stambenog problema kroz sistem bodovanja i
5. propisivanje organa koji odlučuje o rješavanju zahtjeva u vezi sa rješavanjem stambenih problema lica u stanju socijalne skrbi.

## 17. Međunarodni sajam privrede u Brčkom privukao veliki broj izlagača



U organizaciji Privredne komore Brčko distrikta BiH, a pod pokroviteljstvom Vlade Brčko distrikta BiH, održan je 17. Međunarodni sajam privrede u Brčkom. Na 1.500 kvadratnih metara okupilo se više od 150 izlagača iz BiH i zemalja regije iz raznih sektora privrede, u bivšem tržnom centru „Tropik“.

Siniša Milić, gradonačelnik Brčko distrikta BiH, istakao je da je Sajam odlično mjesto i vrijeme za razgovore o privredi.

„Mađa je moja želja da o ovoj temi razgovaramo svaki dan, draga mi je što smo od predsjednika Privredne komore dobili najavu njihove spremnosti da razgovaramo o najvažnijoj temi, a to je odlazak mladih ljudi i povećanju plata zaposlenih. Mi ćemo kao Vlada i kroz direktnu komunikaciju s Privrednom komorom ali i kroz Privredno vijeće raditi na svim aktivnostima koje će ići u tom smjeru da mladi ljudi i kvalifikovana radna snaga ostanu u Distriktu“, istakao je Milić.

Sajam na području Distrikta egzistira već nekoliko godina predstavlja i jedan od najznačajnijih privrednih događaja na ovim prostorima, koji svake godine privrednicima pruža mogućnost za sklapanje novih poslovnih ugovora kao i razmjenu iskustava.



Kancelarija gradonačelnika, Sekretarijat Vlade Brčko distrikta BiH,  
Sektor za informisanje Vlade Brčko distrikta BiH  
Bulevar mira 1, 76100 Brčko distrikt BiH

vlada.bdcentral.net

Штампа: „Графичар“ Добој

ИНФО



INFO